



nitrix Virgo sem per Ma ri a, quæ



Dó mi num óm ni um me ru í sti por-



tá re, & Re gem Angelô rum so la



Vir go la etá re; nostri quæ sumus



pi a memo rá re, & pro no bis



Je sum Chri stum de precá re: ut tu-



is ful ti patro ci ni is ad cœ-



lé sti a re gna me re á mur per ve-



nî re.

Quartus tonus.

Canticum B. V. Mariæ.

Magnificat : * ánima mea Dóminum.
Et exultávit spíritus meus : * in Deo salu-
 tári meo.

Quià respéxit humilitátem ancíllæ suæ : * eccè
 enim ex hoc beátam me dicent omnes gene-
 ratiónes.

Quià fecit mihi magna qui potens est : * & fan-
 ctum nomen ejus.

Et misericórdia ejus á progénie in progénies : *
 timéntibus eum.

Fecit poténtiam in bráchio suo : * dispérfit su-
 pérbos

perbos mente cordis sui,
Deposuit potentes de sede : * & exaltavit humiles.
Efuriētes implēvit bonis : * & divites dimisit
 inānes.
Suscēpit Israël pūerum suum : * recordātus mise-
 cōrdiæ suæ.
Sicut locūtus est ad patres nostros : * Abraham,
 & sēmini ejus iu sæcula.
Glória Patri &c. **S**icut erat in principio. &c.

Oremus.

Deus, qui de Beatæ Mariæ Virginis utero
 verbum tuum Angelo nuntiante, carnem
 suscipere voluisti; præsta supplicibus tuis;
 ut qui verè eam genitricem Dei credimus, ejus
 apud te intercessionibus adjuvemur.

OMnipotens sempiterne Deus, clementissi-
 mâ cujus dispensatione cuncta creantur
 ex nihilo, hanc Imaginem in honorem
 piissimæ Genitricis Filii tui Dómini nostri Jesu
 Christi venerabiliter adaptatam bene **+** dicere,
 & sanctificare digneris, & præsta misericordissi-
 me Pater per invocationem nominis tui, atque
 ejusdem Unigeniti Filii tui Dómini nostri Jesu
 Christi, quem pro salute generis humani (inte-
 gritate

gritate Virginis Mariæ servata) incarnari voluisti, quatenus precibus ejusdem Sacratissimæ Virginis, quicumque eandem misericordiæ Reginam, & gratiosissimam Dóminam nostram coram hac effigie suppliciter honorare studuerit: & instantibus periculis eruantur, & in conspectu Divinæ Majestatis tuæ de commissis, & omissis veniam impetrent, atque mereantur in præsentem gratiam, quam desiderant adipisci, & in futuro perpetuam saluationem cum electis tuis valeant gratulari. Per eundem Dominum nostrum. **R.** Amen.

**Benedictio quarumcumque Imaginum
privata.**

V. Adjutórium nostrum in nómine Dómini.

R. Qui fecit cælum, & terram.

V. Dóminus vobiscum. **R.** Et cum spíritu tuo.

Oremus.

OMnipotens sempitérne Deus, qui Sanctorum tuórum imágenes (**vel** effigies) sculpi; aut pingi non réprobas, ut quótiès illas óculis córporis intuémur, tótiès eórum áctus, & sanctitátem ad imitándum memóriæ óculis meditémur, hanc, quæsumus, Imáginem (**vel** sculptúram

pturam) in honorem, & memoriam Unigeniti Filii tui Domini nostri, **vel** Beatissimæ Virginis Mariæ Matris Domini nostri Jesu Christi, **vel** beati **N.** Apostoli tui, **vel** Martyris, **vel** Confessoris, **vel** Pontificis, **vel** Virginis adaptatam, benedicere, & sancti **✠** ficare digneris, & præsta, ut quicumque coram illa Unigenitum Filium tuum, **vel** Beatissimam Virginem, **vel** gloriosum Apostolum, **vel** Martyrem, **vel** Confessorem, **aut** Pontificem **vel** Virginem, suppliciter colere, & honorare studuerit, illius precibus, ac obtentu, à te gratiam in præsentem, & æternam gloriam obtineat in futurum. Per Dominum nostrum Jesum Christum Filium tuum, qui tecum vivit, & regnat in unitate Spiritus Sancti, Deus per omnia sæcula sæculorum. **℞. Amen.**

Aspergat aqua benedicta.

**BENEDICTIO PRIMARII LAPIDIS
ad Ecclesiam ædificandam.**

**Præful indutus amictu, alba, stola, & pluvi-
ali albi coloris procedat cum Conventu ad locum
destinatum pridie cum lignea Cruce quem asper-
gat aqua benedicta, quam ibi prius benedicat si
velit; postea à Choro cantatur Antiphona.**

Signum

Benedictiones.


ANTIPHONA.



S I gnum salú tis po ne Dó-



mi ne Je su Chri ste in lo co



isto, & non permittas intro i-



re An ge lum percu ti én tem.



Primus tonus.

Nn

Psalmus

Psalmus 83.

Quam dilecta tabernacula tua Dómine virtutum: * concupiscit, & deficit anima mea in atria Dómini.

Cor meum, & caro mea: * exultaverunt in Deum vivum.

Etenim passer invenit sibi domum: * & turtur nidum sibi, ubi ponat pulos suos.

Altaria tua Dómine virtutum: * Rex meus, & Deus meus.

Beati, qui habitant in domo tua Dómine: * in sæcula sæculorum laudabunt te.

Beatus vir, cujus est auxilium abs te: * ascensiones in corde suo disposuit in valle lacrymarum in loco, quem posuit.

Etenim benedictionem dabit legislator ibunt de virtute in virtutem: * videbitur Deus Deórum in Sion.

Dómine Deus virtutū exaudi orationem meam: * auribus percipe Deus Jacob.

Protector noster aspice Deus: * & respice in faciem Christi tui.

Quia melior est dies una in atriis tui: * super millia.

Elegi abjectus esse in domo Dei mei: * magis quam habitare ibi tabernaculis peccatorum.

Quia

Quia misericordiam, & veritatem diligit Deus: *
gratiam, & gloriam dabit Dóminus.

Non privabit bonis eos, qui ambulant in innocencia: * Dómine virtutum, beatus homo, qui sperat in te.

Gloria Patri, &c. Sicut erat, &c.

Repetita Antiphona dicit Præsul versus locum.

O rémus.

DO'mine Deus, qui licet Cælo, & terra non capiaris, domum tamen dignaris habere in terris, ubi nomen tuum jugiter invocetur, locum hunc, quæsumus, beatæ Mariæ semper Virginis, & beati **N. (nominando Sanctum, vel Sanctam, in cujus honorem, & nomen fundabitur Ecclesia)** omniumque sanctorum intercedentibus meritis, sereno pietatis tuæ intuitu visita, & per infusionem gratiæ tuæ ab omni inquinamento purifica, purificatumque conserva, & qui dilecti tui David devotionem in filii sui Salomonis opere complevisti, in hoc opere desideria nostra perficere digneris, effugiantque omnes hinc nequitiae spirituales. Per Dóminum nostrum Jesum Christum Filium tuum, qui tecum vivit, & regnat in unitate Spiritus Sancti Deus. Per omnia sæcula sæculorum. **R.** Amen.

Nn ij

Deinde

Deinde benedicit primarium lapidem, qui debet esse quadratus.

V. Adjutorium nostrum in nomine Domini.

R. Qui fecit coelum, & terram.

V. Sit nomen Domini benedictum.

R. Ex hoc nunc, & usque in saeculum.

V. Lapidem, quem reprobaverunt aedificantes.

R. Hic factus est in caput anguli.

V. Tu es Petrus.

R. Et super hanc Petram aedificabo Ecclesiam meam

V. Gloria Patri, & Filio, & Spiritui Sancto.

R. Sicut erat in principio, & nunc, & semper, & in saecula saeculorum. Amen.

Oremus.

Domine Jesu Christe Filii Dei vivi, qui est verus omnipotens Deus, splendor, & imago aeterni Patris, & vita aeterna, qui est lapis angularis de monte sine manibus abscissus, & immutabile fundamentum, hunc lapidem collocandum in tuo nomine confirma, & tu qui es principium, & finis, in quo principio Deus Pater, ab initio cuncta creavit, sis, quaesumus, principium, & incrementum, & consummatio ipsius operis, quod debet

debet ad laudem, & gloriam tui nominis inchoari. Qui cum Patre, & Spiritu Sancto vivis, & regnas Deus. Per omnia sæculorum. *R. Amen*

Domine Sancte, Pater omnipotens, æterne Deus, bene *+* dicere dignare hunc lapidē in fundamentum Ecclesiæ, in honorem Sancti *N.* Per Domium nostrum Jesum Christum Filium tuum, lapidē probatum, angularem, pretiosum, in fundamento fundatum, de quo dicit Apostolus: Petra autem erat Christus. Qui tecum, & cum Spiritu Sancto vivit, & regnat Deus per omnia sæcula sæculorum. *R. Amen.*

Tunc aspergat lapidem ipsum aqua benedicta & accepto cultro sculpat per singulas partes in eo Cruces dicens:

*In nomine Patris, *+* & Filii, *+* & Spiritus *+* Sancti. *R. Amen. Quo facto dicat Præsul.**

O rémus.

Bene *+* dic Dómine creaturam istam lapidis, & præsta per invocationem sancti tui nominis, ut quicumque ad hanc Ecclesiam ædificandam, pura mente auxilium dederint, corporis

poris sanitatem, & animæ medellam percipiant.
Per Christum, &c. **R.** Amen.

Postea dicantur Litanix, ut fol. 173. usque ad
preces exclusive, deinde Celebrans dicit:

O rémus.

Actiones nostras, quæsumus Dómine, as-
pirando præveni, & adjuvando prosequere,
ut cuncta nostra oratio, & operatio, á te
semper incipiat, & per te cæpta finiatur. Per
Christum Dóminum nostrum. **R.** Amen.

Tunc incipiente Celebrante cantatur à Choro

Antiphona.

M



Anè sur gens Ja cob eri ge-



bat lá pi dem in tí tu lum, fundens
óleum



ó le um dé fu per, vo tum vovit Dó-



mi no: ve rè locus i ste sanctus



est, & ego nes ci é bam.



Primus tonus.

Psalmus. 126.

Nisi Dóminus ædificáverit domum : * in va-
num laboravêrunt qui ædificant eam.

Nisi Dóminus custodierit civitátem : *
frustrà vígilat qui custódit eam.

Vanum est vobis ante lucem súrgere : * súrgite
postquam sedéritis qui manducátis panem do-
lôris.

Cum

Cum dederit dilectis suis somnum : * ecce hære-
ditas Dómini, filii, merces, fructus ventris.

Sicut sagittæ in manu poténtis : * ita filii excus-
sionum.

Beátus vir, qui implevit desiderium suum ex
ipsis : * non confundetur cum loquétur inimi-
cis suis in portâ.

Gloria Patri &c. **S**icut erat &c.

Ponit Præsul primum lapidem in fundamento
postea dicit :

IN fide Jesu Christi collocamus lapidem istum
primarium in hoc fundamento. **I**n nomine
Patris, ✠ & Filii, ✠ & Spiritus ✠ Sancti, ut
vigeat vera fides hic, & timor Dei, & fraterna
dilectio, sitque locus hic destinatus orationi, &
ad invocandum, & laudandum nomen ejusdem
Dómini nostri Jesu Christi. Qui cum Patre, &
Spiritu Sancto vivit, & regnat Deus. Per omnia
sæcula sæculorum. **R.** Amen.

Statim aspergat aqua benedicta ipsum lapidem
dicens: **A** sperges me, ut fol. 1. & Chorus pro-
sequitur cum toto Psalm **M**iserere mei Deus.

Deinde ut procedat ad aspergendum funda-
menta domus Domini ædificandæ inchoat Anti-
phonam Choro prosequente. **O' quám**

Benedictiones.

O



Quám me tu éndus est



lo cus i ste: ve rè non est hic



á li ud, ni si domus De i



& por ta cœ li. 6. tonus.

Interim cantatur precedens Antiphona cum Psalmo **F**undaménta ejus in montibus san ctis &c. ut fol. 273. & repetitur Antiphona Celebrans aspergit tertiam partem fundamentorum, seu loci destinati, & ibidem sistens dicat:

O rémus.

Diaconus vero dicit:

Flectámus génua. **R.** **L**eváte.

Oo

O ré:

Omnipotens, & misericors Deus, qui Sacerdotibus tuis, tantam, præ cæteris, gratiam contulisti, ut quidquid in tuo nomine digne, perfecteque ab eis agitur, á te fieri credatur: quæsumus immensam clementiam tuam, ut quidquid modo visitaturi sumus, visites: & quidquid modo benedicturi sumus, benedicas: sitque ad nostræ humilitatis introitum, Sanctorum tuorum mentis, fuga dæmonum, Angeli pacis ingressus. Per Christum, &c. *R.* Amen.

Deinde cantatur à Choro sequens Antiphona, interim Celebrans procedit ad aspergendum aliã tertiam partem fundamentorum, seu loci.

Pax ætérna ab ætérno
 hu ic dó mu i. Pax pe rén nis, Verbum
 Pa tris, sit pax hu ic dó mu i. Pa cem
 pius



pi us conso lá tor hu ic præstet do mu 1.

Finita Antiphona ibidem stans Celebrans ait.

OMnipotentem Deum, fratres charissimi, in cujus domo sunt mansiones, supplices deprecemur; ut locum istum nomini suo ædificandum per serenissimam pietatem suam bene **+** dicere, sancti **+** ficare, & conse **+** crare dignetur. Per Dominum nostrum Jesum Christum, qui cum Patre, & Spiritu Sancto vivit, & regnat Deus, per omnia sæcula sæculorum.

R. Amen.

Postea cantat prosequente Choro Antiphonã.



BE nè fun dá ta est dómus Dó-



mi ni supra fir mam petram.

Ooij

8. tonus.

Psalms

Psalmus 121.

Lætatus sum in his, quæ dicta sunt mihi: * in
domum Dómini ibimus.

Stantes erant pedes nostri: * in atriis tuis
Jerusalem.

Jerusalem; quæ ædificatur ut Civitas: * cujus par-
ticipatio ejus in idipsum.

Illuc enim ascenderunt tribus, tribus Dómini: *
testimonium Israel ad confitendum nomini
Dómini.

Quia illic sederunt sedes in iudicio: sedes super
domum David.

Rogate, quæ ad pacem sunt Jerusalem: * & abun-
dantia diligentibus te.

Fiat pax in virtute tua: * & abundantia in turri-
bus tuis.

Propter fratres meos, & proximos meos: * lo-
quebar pacem de te.

Propter domum Dómini Dei nostri: * quæsi-
vi bona tibi.

Gloria Patri, &c. sicut erat, &c.

*Interim cantatur præcedens Antiphona cum
Psalmo, procedit aspergendum ultimam tertiam
partem fundamentorum, seu loci: reversusque
ad locum primarii lapidis, & repetita dicit:*

O rémus.

Oremus. Diaconus dicit,
Flectamus genua. R. Levate.

DEus, qui ex omni cohabitatione Sanctorum æternam maiestati tuæ condidisti habitaculum; dá ædificationi tuæ incrementa Cælestia, ut quod te iubente fundatur, te largiente perficiatur. Per Christum, &c. R. Amen.

Deinde cantatur sequens Hymnus.

V 
E ni cre á tor Spi ritus, Men tes



tu ô rum vi si ta, Im ple su pèrnâ



grá ti â, quæ tu cre á si pé cto ra.

Qui diceris Paráclitus,
Altissimi donum Dei,

Fons vivus, ignis, ch aritas,
Et Spirit alis unctio.

Tu septiformis m unere,
D igitus Patern e d exter e,
Tu rit e promissum Patris
Serm one ditans g ettura.

Acc ende lumen s ensibus,
Infunde amorem c ordibus;
Infirma nostri c orporis,
Virtute firmans p erpeti.

Hostem rep ellas longius,
Pacemque dones p rotin us,
Ductore sic te p reivio,
Vitemus omne n oxium.

Per te sci amus da Patrem,
Nosc amus atque Filium
Teque utri usque Spiritum
Cred amus omni t empore.

Deo Patri sit gl oria,
Et Filio, qui   mortuis
Surrexit, ac Par aclito
In s eculorum s ecula. Amen.

**Finito Hymno ad cuius primam strophem genuflectitur, reliquis stant (sic in omni tempore)
Celebrans dicit:**

Desc en-

Descéndat, quæsumus, Dómine Deus noster, spíritus tuus Sanctus, super hanc domum ædificándam; qui & dona nostra, & pópuli tui in ea sanctificet, & ipsius corda dignánter emúndet. Per Christum Dóminum nostrum. *R.* Amen.

O rémus.

Deus, qui in omni loco dominationis tuæ clemens, ac benígns dedicátor assístis, exáudi nos, quæsumus, & concede, ut inviolabilis hujus loci permaneat constructio; & beneficia tui muneris univérfitas fidélium, quæ tibi súpplicat, percipere mereatur. Per Dóminum nostrum Jesum Christum Filium tuum, qui tecum vivit, & regnat in unitáte Spiritus Sancti Deus, per ómnia sæcula sæculorum. *R.* Amen.

His finitis si velit poterit ibi Præsul celebrare Missam de Sancto, in cujus honorem ædificatur Ecclesia, si autem non celebrat, finiatur ut supra

Benedictiones.

Benedictio novæ Ecclesiæ.

Ad benedicendam novam Ecclesiam, quæ intus debet esse vacua, cum Altaribus nudis, excluso populo accedat Præsul indutus superpelliceo, aut alba, stola & Pluviali albi coloris, cum Conventu, cui præcedat Crux inter ceroferarios, ad januam primariam ibi stans absolute dicat:

Actiones nostras, quæsumus Dómine, aspirando præveni, & adjuvando prosequere, ut cuncta nostra oratio, & operatio, à te semper incipiat, & per te cæpta finiatur. Per Christum Dóminum nostrum. **R.** **A.** men.

Deinde, vel benedicat aquam hinc, vel cum aqua jam benedicta, & cum aspersorio de herba hyssopi cantans Antiphonam **A** sperges me &c. fol. 1. prosequente Choro cum toto **P** salmo **M**iserere circuit interim exterius Ecclesiam aspergendo parietes superius, & inferius incipiens à latere dextro comitantibus ceroferariis & Acolitis cum vase aquæ benedictæ; reversusque ad portã & repetita Antiphona post **P**salmum dicit Præsul:

O remus.

Diaconus dicit:

Flectamus genua. **R.** **L**evate.

O ré-

DOmine Deus, qui licet Cœlo, & terra non capiaris, domum tamendignaris habere in terris, ubi nomen tuum jugiter invocetur, locum hunc, quæsumus, beatæ Mariæ semper Virginis, & beati **N.** (nominando Sanctum, vel Sanctam, in cuius honorem, & nomen fundata est Ecclesia) omniumque sanctorum intercedentibus meritis, sereno pietatis tuæ intuitu visita, & per infusionem gratiæ tuæ ab omni inquinamento purifica, purificatumque conserva, & qui dilecti tui David devotionem in filii sui Salomonis opere complevisti, in hoc opere desideria nostra perficere digneris, effugiantque omnes hinc nequitia spirituales. Per Dóminum nostrum Jesum Christum Filium tuum, qui tecum vivit, & regnat in unitate Spiritus Sancti Deus. Per omnia sæcula sæculorum. **R.** Amen.

Qua finita oratione, intrant bini, & bini in Ecclesiam usque ad Altare maius ubi genuflectentes cantatur Litaniæ ut fol. 173. & ubi dictum est: Ut omnibus fidelibus edfúctis réquiem æternã donare digneris: **R.** Te rogámus audi nos. Surgit Præsul, & manu dextera benedicens Ecclesiam, & Altare ter eodem tono Litaniarum ait: Ut hanc Ecclesiam, & Altare ad honorem tuum, & nomen Sancti tui **N.** purgare, & benedicere

Pp

dicere digneris: **R.** **T**e rogamus audi nos.
Genuflectit donec perficiantur Litanix, & post
ultimum Kyrie eleison stans dicit:

Oremus. **Diaconus dicit:**
Flectamus genua. R. Levate.

PRæveniat nos, quæsumus Dómine, mise-
 córdia tua, & intercedéntibus ómnibus San-
 ctis tuis, voces nostras cleméntia tuæ propi-
 tiónis anticipet. Per Christum Dñum nostrum.
R. Amen.

**Tunc distans ab Altari congruenti spatio, ge-
 nuflexus, & se signans dicit:**

V. Deus in adiutorium meum intende.
R. Dómine ad adjuvandum me festina.
V. Glória Patri, & Filio, & Spiritui Sancto.
R. Sicut erat in principio, & nunc, & semper
 & in sæcula sæculórum. Amen.

Postea dicit Oremus. Diaconus dicit:
Flectamus genua. R. Levate.

OMnipotens, & misericors Deus, qui Sacer-
 dotibus tuis, tantam, præ cæteris, gratiam
 contulisti, ut quidquid in tuo nomine di-
 gne, perfecteque ab eis agitur, á te fieri creda-
 tur: quæsumus immensam clementiam tuam, ut
 quidquid

Benedictiones.

299

quidquid modo visitaturi sumus, visites: & quidquid modo benedicturi sumus, benedicas: sitque ad nostræ humilitatis introitum, Sanctorum tuorum meritis, fuga dæmonum, Angeli pacis ingressus. Per Christum, &c. *R.* Amen.

His dictis inchoat prosequente Choro sequentem Antiphonam. Interim cantantur Antiphona, & Psalmi, aspergit interius Ecclesiæ parietes in parte superiori, & inferiori incipiens à latere Evangelii recitans eandem Antiphonam.

B E ne dic Dó mi ne do mum
i stam nómini tu o æ di-
fi cá tam.

octavus tonus.

Pp ij

Pfal-

Psalmus 119.

AD Dóminum, cum tribularer, clamavi : *
& exaudivit me.

Dómine libera animam meam à labiis ini-
quis : * & à lingua dolosa.

Quid detur tibi, aut quid apponatur tibi * ad lin-
guam dolosam?

Sagittæ potentis acutæ : * cum carbonibus de-
solatoriis.

Heu mihi, quia incolatus meus prolongatus es,
habitavi cum habitantibus Cedar : * multum
incola fuit ánima mea.

Cum his, qui oderunt pacem, eram pacificus : *
cum loquebar illis, impugnabant me gratis.

Gloria Patri, &c. **S**icut erat, &c.

Psalmus 120.

Levavi oculos meos in montes : * unde veniet
auxilium mihi.

Auxilium meum à Dómino : * qui fecit Cœ-
lum, & terram.

Non det in commotionem pedem tuum : * neque
dormitet, qui custodit te.

Ecce non dormitabit, neque dormiet : * qui cu-
stodit Israel.

Dóminus custodit te, Dóminus protectio tua * su-
per

per manum dexteram tuam.

Per diem Sol non uret te: * neque Luna per noctem.

Dóminus custodit te ab omni malo: * custodiat animam tuam Dóminus.

Dóminus custodiat introitum tuum, & exitum tuum: * ex hoc nunc, & usque in sæculum.

Gloria Patri, &c. **S**icut erat, &c.

Etiam dicitur **P**salmus **L**ætátus sum in his &c. ut fol. 292. post quem repetita Antiphona, expletoque circulo rediens ad Altare Præsul dicit

O rémus. **D**iaconus dicit:

Flectámus génuá. **R.** **L**evate.

Deus, qui loca nomini tuo dicanda, sanctificas, effunde super hanc domum orationis gratiam, ut ab omnibus hic nomen tuum invocantibus, auxilium tuæ misericordiæ sentiantur. Per Dóminum nostrum Jesum Christum Filium tuum, qui tecum vivit, & regnat in unitate Spiritus Sancti Deus. Per omnia sæcula sæculorum. **R.** **A**men.

His peractis dicatur **M**issa, sive de Sancto in cuius honorem dedicata est Ecclesia, sive de officio occurrenti.

Adver-

Advertendum est quod aliter in Pontificali Romano invenitur præcedens Benedictio, qualibet ad libitum, & pro solemnitate uti possunt; sed omissis his, quæ ad consecrationem spectant; nam solum de potestate Episcopi.

Benedictio Campanæ.

Campana debet benedici antequam in Campanili appendatur, & Præsul indutus stola albi coloris alternatim cum Choro dicit sequentia:

Psalmus. 148.

Laudate Dominum de Cœlis: * laudate eum in excelsis.

Laudate eum omnes Angeli ejus: * laudate eum omnes virtutes ejus.

Laudate eum Sol, & Luna: * laudate eum omnes stellæ, & lumen.

Laudate eum Cœli Cœlorum: * & aquæ omnes, quæ super Cœlos sunt, laudent nomen Domini.

Quia ipse dixit, & facta sunt: * ipse mandavit, & creata sunt.

Statuit ea in æternum, & in sæculum sæculi: * præceptum posuit, & non præteribit.

Lauda-

Laudate Dominum de terra: * dracones, & omnes abyssi.

Ignis, grando, nix, glacies, spiritus procellarum: * quæ faciunt verbum ejus.

Montes, & omnes colles: * ligna fructifera, & omnes cedri.

Bestiarum, & universa pecora: * serpentes, & volucres pennatæ.

Reges terræ, & omnes populi: * principes, & omnes Judices terræ.

Juvenes, & virgines, senes cum junioribus, laudent nomen Domini: * quia exaltatum est nomen ejus solius.

Confessio ejus super Cœlum, & terram: * & exaltavit cornu populi sui.

Hymnus omnibus sanctis ejus: * filiis Israel, populo appropinquanti sibi.

Psalms 146.

Cantate Dómino canticum novum: * laus ejus in Ecclesia sanctorum.

Lætetur Israel in eo, qui fecit eum: * & filiarum Sion exultent in rege suo.

Laudent nomen ejus in choro: in tympano, & psalterio psallant ei.

Quia beneplacitum est Dómino in populo suo: * & exaltabit mansuetos in salutem.

Exul-

Exultabunt sancti in gloria: * lætabuntur in cubilibus suis.

Exultationes Dei in gutture eorum: * & gladii ancipites in manibus eorum.

Ad faciendam vindictam in nationibus: * increpationes in populis.

Ad alligandos reges eorum in compedibus: * & nobiles eorum in manicis ferreis.

Ut faciant in eis iudicium conscriptum: * gloria hæc est omnibus sanctis ejus.

Laudate Dominum in sanctis ejus: * laudate eum in firmamento virtutis ejus.

Laudate eum in virtutibus ejus: * laudate eum secundum multitudinem magnitudinis ejus.

Laudate eum in sono tubæ: * laudate eum in psalterio, & cithara.

Laudate eum in tympano, & choro: * laudate eum in chordis, & organo.

Laudate eum in cymbalis benesonantibus; laudate eum in cymbalis jubilationis: * omnis spiritus laudet Dominum.

Gloria Patri, &c. **S**icut erat, &c.

His finitis Præsul dicit

V. Adjutorium nostrum in nomine Domini.

R. Qui fecit cælum, & terram.

V. Dominus vobiscum. **R.** Et cum spiritu tuo.

Ore-

O rémus.

DEus, qui per Moysen legiferum famulum tuum tubas argenteas fieri præcipisti, quas dum levitæ tempore sacrificii clangerent, fonitu dulcedinis populus monitus, ad te adorandum fieret præparatus, & ad celebranda sacrificia conveniret, quarum clangóre hortatus ad bellum, molimina prosterneret adversantium; præsta, quæsumus, ut hoc signum sanctæ tuæ Ecclesiæ præparatum, sancti **†** ficetur ab Spiritu Sancto, ut per illius tactum fideles invitentur ad præmium, & cum melodia illius auribus insonuerit populorum, crescat in eis devotio fidei, procul pellantur omnes insidiæ inimici, fragor grandinum, procella turbinum, impetus tempestatum, infesta tonitrua temperentur, ventorum flabra fiant salubriter, ac moderatè suspensa, prosternat aereas potestates dextera tuæ virtutis, ut hoc audientes cymbalum contremiscant, & fugiant ante Sanctæ Crucis Filii tui in eo depictum vexillum, cui flexitur omne genu cœlestium, terrestrium, & infernorum, & omnis lingua confiteatur, quod ipse Dóminus noster Jesus Christus absorpta morte per patibulum Crucis regnat in gloria Dei Patris, in unitate Spiritus Sancti Deus. Per omnia sæcula sæculorum. **R.** Amen. **Aspergat aquabened.**

Ista benedictio latius invenietur in Pontificali Romano, omiffis quæ solum de potestate Episcopi, qualibet ad solemnitatem uti possunt.


**Benedictio novæ DOMUS,
seu CONVENTUS.**

Cum primo Fratres aliquem Conventum ad habitandum ingrediuntur, conveniant ad Ecclesiam in forma Processionis Præsul indutus sacris vestibus albi coloris absolute incipit.

V. Adjutorium nostrum in nomine Domini.

R. Qui fecit cælum, & terram.

Deinde intonat Antiphonam sequentem, & Chorus profequitur

E  C ce quàm bo num, & quàm



jocún dum ha bi tá re fra tres in



in u num.

Primus tonus.

Qua finita dicatur Psalmus Quàm dilécta ta-
bernacula tua &c. **ut fol. 282. deinde Psalmi se-**
quentes.

Psalmus 90.

Qui habitat in adiutorio altissimi: * in pro-
tectione Dei Cœli commorabitur.

Dicet Dómino, susceptor meus es tu, & re-
fugium meum: * Deus meus, sperabo in eum.

Quoniam ipse liberavit me de laqueo venan-
tium: * & á verbo aspero.

Scapulis suis obumbrabit tibi: * & sub pennis ejus
sperabis.

Scuto circumdabit te veritas ejus: * non timebis
à timore nocturno.

Asagitta volante in die á negotio perambulante
in tenebris: * ab incursu, & dæmonio meri-
diano.

Cadent á latere tuo mille, & decem millia à
dextris tuis: * ad te autem non appropin-
quabit.

Veruntamen oculis tuis considerabis: * & retri-
butionem

butionem peccatorum videbis.

Quoniam tu es Dómine spes mea : * altissimum posuisti refugium tuum.

Non accedet ad te malum : * & flagellum non appropinquabit tabernaculo tuo.

Quoniam Angelis suis mandavit de te : * ut custodiant te in omnibus viis tuis.

In manibus portabunt te : * ne forte offendas ad lapidem pedem tuum.

Super aspidem, & basiliscum ambulabis : * ut conculcabis leonem, & draconem.

Quoniam in me speravit, liberabo eum : * protegam eum, quoniam cognovit nomen meum.

Clamabit ad me, & ego exaudiam eum : * cum ipso sum in tribulatione, eripiam eum, & glorificabo eum.

Longitudine dierum replebo eum : & ostendam illi salutare meum.

Gloria Patri, &c. **S**icut erat &c.

Psalmus 132.

Ecce quam bonum, & quam jocundum : * habitare fratres in unum.

Sicut unguentum in capite, * quod descendet in barbam, barbam Aaron.

Quod descendit in oram vestimenti ejus : * sicut
ut

ut ros Hermon, qui descendit in Montem Sion.

Quoniam illic mandavit Dóminus benedictionem: * & vitam usque in sæculum.

Gloria Patri, &c. Sicut erat &c

Repetitur Antiphona postea dicit Præsul:

K yrie eleison. **R.** Christe eleison **K** yrie eleison. Postea dicit: **P**ater noster.

Interim recitatur secreto pergit ad aspergendum Domum, seu Conventum recitandum Antiphonam **A** sperges me vel **V**idi aquam juxta varietatem temporum, postea dicit:

V. **E**t ne nos inducas in tentationem.

R. Sed libera nos à malo.

V. **M**emento congregationis tuæ.

R. Quam possedistis ab initio.

V. **F**iat pax in virtute tua.

R. **E**t abundantia in turribus tuis.

V. **D**ómine exáudi orationem meam.

R. **E**t clamor meus ad te véniat.

R. **D**óminus vobîscum. **R.** **E**t cum spîritu tuo.

O rémus.

OMnipotens, & misericors Deus, qui Sacerdotibus tuis tantam, præ cæteris, gratiam contulisti, ut quidquid in tuo nomine digne, perfectèque ab eis agitur; a te fieri credá-

credatur: quæsumus immensam clementiam tuam, ut quod modo visitaturi sumus, visites, & quidquid benedicturi sumus, bene † dicas, sitque ad nostræ humilitatis introitum, sanctorum tuorum meritis, fuga dæmonum, Angeli pacis ingressus. Per Christum, &c. *R.* Amen.

*O*rémus.

Domum tuam Dómine clementer ingrede-
re, & in tuorum fidelium cordibus tibi per-
petuam confice mansionem, ac præsta, ut
in hoc Conventu, *vel* hac domo, nulla maligno-
rum spirituum dominetur nequitia, sed inviola-
bilis miserationis tuæ permaneat bene † dictio.
Per Christum Dóminum nostrum. *R.* Amen.

*O*rémus.

TE Deum Patrem omnipotentem suppliciter
exoramus pro hoc Conventu, *vel* hac do-
mo, & pro habitatoribus ejus, ut eum, *vel*
eam, bene † dicere, & sancti † ficare, ac bonis
omnibus ampliare digneris: tribue eis Dómine
de róre Cœli abundantiam, & pinguedine terræ
vitæ substantiam; & desideria voti eorum ad ef-
fectum tuæ miserationis perducas. Ad introitum
ergò

Benedictiones.

311

ergo nostrum bene ✠ dicere, & sanctificare ✠ digneris hunc Conventum, *vel* hanc domum, sicut benedicere dignatus es domum Abraham, & Isaac, & Jacob, & intra parietes domus, *vel* Conventus istius Angeli tuæ lucis inhabitent, eumque, *vel* eamque, & ejus habitatores custodiant. Per Christum Dóminum nostrum. *R.* A men.

Aspergat aqua benedicta iterum dum cantatur Antiphona *S*ub tuum præsidium &c. *ut supra fol.* deinde Cantores dicant:

V. Ora pro nobis Sancta Deigenitrix

R. Ut digni efficiamur promissionibus Christi.

V. Ora pro nobis Beate Pater *N.*

R. Ut digni efficiamur promissionibus Christi.

O rémus.

A Cunctis, quæsumus Domine, habitatores hujus Conventus, *vel* domus mentis, & corporis defende periculis, & intercedente Beata, & Gloriosa semper Virgine Maria, & Beatis *N.* & *N.* & omnibus Sanctis tuis mente tibi, & corpore in eo *vel* in ea semper famulentur. Per Christum Dóminum nostrum. *R.* A men.

His finitis benedicit Præsul locum, & habitatores dicens:

*B*ene-

Benedictio Dei omnipotentis Pa **†** tris, & Fi-
† lii, & Spiritûs **†** Sancti deiscéndat super hunc
 Convéntum, **vel** Domum, & omnes habitántes
 in eo, **vel** in eâ, & máneat sempèr. **R.** **A** men.

FORMA RECONCILIANDÆ

Ecclesiæ non consecratæ.

Ad Reconciliandam Ecclesiam violatam (si
 non sit consecrata paretur Præsul Alba, stola, &
 Pluviali albi coloris, & præcedente Cruce cum
 ceroferariis, & aqua benedicta egrediantur ad ja-
 nuam primariam Ecclesiæ, ibi vel benedicat tunc
 aquam ut supra, vel cum ipsa jam benedicta in-
 cipiens Antiphonam **A** **S**perges me, ut fol. **1.**
 quam Chorus prosequitur cum toto Psalmo **Mi-**
serere mei Deus &c. interim aspergat Ecclesiæ
 parietes exterius in circuitu: quo facto rediens ad
 primum locum, repetitaque Antiphona post
 psalmum dicat:

O rémus.

O Mnipotens, & misericors Deus, qui Sacer-
 dotibus tuis, tantam, præ cæteris, gratiam
 contulisti, ut quidquid in tuo nomine di-
 gne, perfecteque ab eis agitur, á te fieri creda-
 tur

Benedictiones.

313

tur: quæsumus immensam clementiam tuam, ut quidquid modo visitaturi sumus, visites: & quidquid modo benedicturi sumus, benedicas: sitque ad nostræ humilitatis introitum, Sanctorum tuorum meritis, fuga dæmonum, Angeli pacis ingressus. Per Christum, &c. **R.** **A** men.

O rémus. **Ministri dicunt:**

F lectámus génua. **R.** **L** eváte.

A Ufer á nobis, Dómine, cunctas iniquitates nostras, ut ad loca tuo sancto nomini purificanda, puris mereamur mentibus accedere. Per eundem Christum Dóminum nostrum. **R.** **A** men.

Si reconciliandum simul sit cœmeterium, dicitur etiam oratio infra, & aspergendum est simul, cum Ecclesia fuit exterius aspersa.

O rémus. **Ministri dicunt:**

F lectámus génua. **R.** **L** eváte.

D Omine pie, qui agrum figuli pretio sanguinis tui in sepulturam peregrinorum comparari voluisti, quæsumus, dignanter reminiscere clementissimi hujus mysterii tui. Tu es enim Domine figulus noster: tu quietis nostræ

Rr

ager

ager: tu agri hujus es pretium: tu dedisti etiam, & suscepisti: tu de pretio, & in pretio vivifici sanguinis nos quiescere fecisti, & donasti. Tu ergo, Domine, qui es offensionis nostræ clementissimus indultor, expectatissimus judicator, judicii tui superabundantissimus miserator, judicium tuæ justæ severitatis abscondens post miserationem tuæ piæ redemptionis adesto exauditor, & affector nostræ reconciliationis: hoc Cœmeterium mausoleum peregrinorum tuorum, cœlestis patriæ incolatum expectantium, benignus purifica, & reconcilia: & hic tumulorum, & tumulandorum corpora de potentia, & pietate tuæ resurrectionis ad gloriam incorruptionis non damnans, sed glorificans, resuscita, qui venturus es judicare vivos, & mortuos, & sæculum per ignem, **R. Amen.**

Deinde intrant Ecclesiam cantantes Litanias ut fol. 173. usque ad Altare maius, ubi genuflectunt omnes: & cum dictum fuerit:

Ut omnibus fidelibus defunctis &c. Præsul surgit & versus Ecclesiam benedicens dicit ter

Ut hanc Ecclesiam, & Altare hoc purgare, & reconciliare digneris: Te rogamus audi nos.

Finitis Litanis sine precibus dicit Præsul:

Oremus.

Ministri dicunt:

Flectamus genua. R. Levate.

Præve-

Benedictiones

315

PRæveniat nos, quæsumus Dómine, misericórdia tua, & intercedéntibus ómnibus Sanctis tuis, voces nostras cleméntia tuæ propitiatiónis anticipet. Per Christum Dñum nostrum.
R. Amen.

Orémus.

Ministri dicunt:

Flectamus génua. **R.** Leváte.

DEus, qui peccati veteris hæreditariam mortem, in qua posteritatis genus omne successerat, Christi filii tui Domini nostri Passione solvisti, da propitius, ut conformes eidem effecti, sicut imaginem terreni parentis naturæ necessitate gerimus, ita imaginem cœlestis gratiæ sanctificatione portemus, Jesu Christi Dómini nostri, qui tecum vivit, & regnat in unitate Spiritus Sancti, Deus per omnia sæcula sæculorum.
R. Amen.

Tunc Præsul genuflexus signans se dicat:

V. Deus in adiutorium meum intende.

R. Dómine ad adjuvandum me festina.

V. Glória Patri, & Fílio, & Spíritui Sancto.

R. Sicut erat in principio, & nunc, & semper
& in sæcula sæculôrum. Amen.

**Deinde intonat Añam sequentem, & Chorus
prosequitur repetiturque inter versus Psalmi.**

Rr ij

E xúrgat

Benedictiones.

EX ūrgat De us, & di ffi-

péntur i ni mí ci e jus, & fú gi ant

qui odê runt e um à fá ci e

e jus.

Septimus tonus.

Psalmus 67.

IN Ecclesiis benedicite Deo Dómino: * de fon-
tibus Israel.

Exurgat Deus, &c.

Ibi Benjamin adolescentulus: * in mentis excessu.

Exurgat Deus, &c.

Priacipes Juda, Duces eorum: * Principes Zabu-
lon,

lon, Principes Nephtali.

Exurgat Deus, &c.

Manda Deus virtuti tuæ: * confirma hoc Deus quod operatus es in nobis.

Exurgat Deus, &c.

A Templo sancto tuo in Jerusalem: * tibi offerent Reges munera.

Exurgat Deus, &c.

Increpa feras arundinis congregatio taurorum in vaccis populorum: * ut excludant eos, qui probati sunt argento.

Exurgat Deus, &c.

Dissipa gentes, quæ bella volunt, venient legati ex Ægypto: * Æthiopia præveniet manus ejus Deo.

Exurgat Deus, &c.

Regna terræ cantate Deo: * psallite Dómino.

Exurgat Deus, &c.

Psallite Deo, qui ascendit super Cœlum Cœli: * ad Orientem.

Exurga Deus, &c.

Ecce dabit voci suæ vocem virtutis: * date gloriam Deo super Israel; magnificentia ejus, & virtus ejus in nubibus.

Exurgat Deus, &c.

Mirabilis Deus in sanctis suis, Deus Israel, ipse dabit virtutem, & fortitudinem plebi suæ: *

bene-

benedictus Deus.

Exurgat Deus, & dissipentur inimici ejus, & fugiant, qui oderunt eum á facie ejus.

Dum hæc dicuntur Præsul circuit Ecclesiam interius aspergendo parietes, & pavimentum locaque contaminata specialiter sæpissime; quo facto rediens ad Altare, finito Psalmo cum Antiphona stans dicit:

O rémus.

Deus, qui in omni loco dominationis tuæ clemens, & benígnus purificátor assistis; exáudi nos, quæsumus, & concéde, ut in pósterum inviolábilis hujus loci permáneat benedictio, & tui múnemis beneficia, univérstas fidélium, quæ súpplicat, percípere mereátur. Per Christum Dóminum nostrum. **R.** **A**men.

Deinde, vel dicitur Missa de die occurrenti, vel benedicatur populus, qui solum intrare permittatur Ecclesiam, post asperisionem interiorem ipsius, sed maneat extra usque ad finem asperisionis internæ.

FORMA

FORMA RECONCILIANDI

Cœmeterii tantum, sine Ecclesia.

Die Dominico, aut festo aliquo, vel quocumque alio die si Ecclesia fuerit in Urbe, aut Oppido Sacerdos superpelliceo, & stola indutus vel cum pluviali albi coloris, vel sine illo, cum Cōventu Cruce præcedente & ceroferariis exeant ad medium cœmeterii processionaliter, ubi genuflexi incipiant Litanias ut fol. 173. usque ad illum versum **U**t omnibus fidelibus defunctis &c. surgit tunc Sacerdos paratus, & ter benedicens, ait: **U**t hoc Cœmeterium reconciliare ✠ dignêris: **T**e rogamus audi nos.

Quibus ter repetitis iterum genuflectit, & Litanix prosequuntur usque ad finem sine precibus. Deinde surgens Sacerdos, vel aquam ibi benedictat, vel cum ipsa jam benedicta incipiens Antiphonam **A**sperges me, ut fol. 1. quam Chorus prosequitur cum Psalmo **M**iserere mei Deus usque ad finem sine **G**loria Patri, aspergit totum Cœmeterium incipiens à parte dextera ad sinistram. Quando autem ad eum locum pervenerit ubi sacrilegium fuit commissum aquam benedictam pluries infundat. Finita vero Antiphona, & Psalmo, & toto Cœmeterio aqua benedicta asperso,

asperfo, Sacerdos ad eum locum reversus in quo
Litanias incepit, absolute & stans dicat:

O rémus.

Ministri dicunt:

Flectámus gènu. **R.** Leváte.

OMnipotens, & misericors Deus, qui Sa-
cerdotibus tuis tantam, præ cæteris, gra-
tiam contulisti, ut quidquid in tuo no-
mine digne, perfecteque ab eis agitur; a te fieri
credatur: quæsumus immensam clementiam tuam,
ut quod modo visitaturi sumus, visites, & quid-
quid benedicturi sumus, bene **+** dicas, sitque ad
nostræ humilitatis introitum, sanctorum tuorum
meritis, fuga dæmonum, Angeli pacis ingressus.
Per Christum, &c. **R.** Amen.

O rémus.

Ministri dicunt:

Flectámus gènu. **R.** Leváte.

AUfer à nobis, Domine cunctas iniquitates
nostras, ut ad loca tuo sancto nomini pu-
rificanda, puris mereamur mentibus acce-
dere. Per eundem Christum Dominum nostrum.
R. Amen.

O rémus.

Ministri dicunt:

Flectámus gènu. **R.** Leváte.

D ómine

Domine pie, qui agrum figuli pretio sanguinis tui in sepulturam peregrinorum comparari voluisti, quæsumus, dignanter reminiscere clementissimi hujus mysterii tui. Tu es enim Domine figulus noster: tu quietis nostræ ager: tu agri hujus es pretium: tu dedisti etiam, & suscepisti: tu de pretio, & in pretio vivifici sanguinis nos quiescere fecisti, & donasti. Tu ergo, Domine, qui es offensionis nostræ clementissimus indultor, expectatissimus judicator, judicii tui superabundantissimus miserator, judicium tuæ justæ severitatis abscondens post miserationem tuæ piæ redemptionis adesto exauditor, & affector nostræ reconciliationis: hoc Cœmeterium mausoleum peregrinorum tuorum, cœlestis patriæ incolatum expectantium, benignus purifica, & reconcilia: & hic tumulorum, & tumulandorum corpora de potentia, & pietate tuæ resurrectionis ad gloriam incorruptionis non damnans, sed glorificans, resuscita, qui venturus es judicare vivos, & mortuos, & sæculum per ignem, **R. Amen.**

His peractis Sacerdos unà cum Processione redit in Ecclesiam recitans Psalmum De profundis. & ubi ad Altare pervenerit completo Psalmo dicat orationem pro defunctis, & statim R equiescant in pace. Atque ad populum conversus benedictionem

dictionem impartietur, si Missa non sit dicenda.

**Benedictio Peregrinorum
ad loca sancta prodeuntium.**

Peregrini ad loca sancta profecturi, antequam discedant, juxta veteris Ecclesiæ institutum debent accipere patentales literas vel à suo Ordinario vel Parocho, quibus obtentis, & rebus suis dispositis, facta peccatorum suorum confessione, & audita Missa in qua dicitur oratio pro peregrinantibus, sanctissimam Eucharistiam devote suscipiunt. Expleta Missa, Sacerdos super eos genuflexos dicit sequentes preces.

Antiphona.

IN viam pacis. **Dicitur Canticum Zachariæ.**
Benedictus Dóminus Deus Israël cum **G**loria
Patri: **in fine repetitur Antiphona.**

In viam pacis, & prosperitátis dirigat vos omnipotens, & misericors Dóminus, & Angelus Ráphaël comitétur vobiscum in viâ, ut cum pace, salute, & gáudio revertáris ad propria.

K yrie eleison. **C**hriste eleison.. **K** yrie eleison.

Sacerdos dicit: Pater noster. **secreto.**

V. **E**t ne nos inducas in tentationem.

R. **S**ed

- R.** Sed libera nos à malo.
V. Salvos fac servos tuos.
R. Deus meus sperantes in te.
V. Mitte eis Dómine auxilium de sancto.
R. Et de Sion tuere eos.
V. Esto eis turris fortitudinis.
R. A^o facie inimici.
V. Nihil proficiat inimicus in eis.
R. Et filius iniquitatis non apponat nocere eis.
V. Benedictus Dominus die, quotidie.
R. Prosperum iter faciat nobis Deus salutarium
 nostrorum.
V. Vias tuas Domine demonstra mihi.
R. Et semitas tuas edoce me.
V. Utinam dirigantur viæ nostræ.
V. Ad custodiendas justificationes tuas.
V. Erunt prava in directa.
R. Et aspera in vias planas.
V. Angelis suis Deus mandavit de te.
R. Ut custodiant te in omnibus viis tuis.
V. Domine exaudi orationem meam.
R. Et clamor meus ad te veniat.
V. Dominus vobiscum.
R. Et cum spiritu tuo.

Oremus.

DEus, qui filiis Israel per maris medium sicco vestigio ire fecisti, qui que tribus Magis iter ad te, stella duce, pandisti, tribue eis, quæsumus, iter prosperum, tempusque tranquillum, ut Angelo tuo sancto comite, ad eum, quò pergunt, locum, ut demum ad æternæ salutis portum feliciter valeant pervenire.

DEus, qui Abraham puerum tuum de Ur Chaldæorū eductū per omnes suæ peregrinationis vias illæsum custodisti, quæsumus, ut hos famulos tuos custodire digneris: esto eis Dñe in procinctu suffragiū, in via solatium, in æstu umbraculum, in pluvia, & frigore tegumentum, in lassitudine vehiculum, in adversitate præsidium, in lubricis baculus, in naufragio portus, ut te duce, quo tendunt, prospere perveniant, & incolumes demum ad propria revertantur.

Adesto, quæsumus Domine, supplicationibus nostris, & viam famulorum tuorum in salutis tuæ prosperitate dispone, ut inter omnes viæ, & vitæ hujus varietates, tuo semper protegantur auxilio.

Presta, quæsumus, omnipotens Deus, ut familia tua per viam salutis incedat, & beati Joannis præcursoris hortamenta sectando, ad eum, quem prædixit, secura perveniat Domi-
num.

num nostrum Jesum Christum Filium tuum.

EXaudi, Dómine, preces nostras, & iter famulorum tuorum propitius comitare, atque misericordiam tuam, sicut ubique es, ita ubique largire, quatenus á cunctis adversitatibus tua opitulatione defensi, gratiarum tibi referant actiones. Per Christum, &c. *R.* Amen.

Pax & benedictio **✠** Dei omnipotentis, Patris, & Filii, & Spiritus Sancti descendat super vos, & maneat semper. *R.* Amen.

Deinde aspergantur aqua benedicta.

Benedictio Peregrinorum post reditum.

V. Adjutórium nostrum in nómine Dómini.

R. Qui fecit cœlum, & terram.

Antiphona.

ECce sic benedicetur homo, qui timet Dominum.

Psalmus 127.

Beati omnes, qui timent Dominum : * qui ambulant in viis ejus.

Labores manuum tuarum, quia manducabis : * beatus es, & bene tibi erit.

Uxor

Uxor tua, sicut vitis abundans: * in lateribus
domus tuæ.

Filii tui sicut novellæ olivarum: * in circuitu men-
sæ tuæ.

Ecce sic benedicetur homo: * qui timet Dominum.

Benedicat tibi Dominus ex Sion: * & videas bo-
na Jerusalem omnibus diebus vitæ tuæ.

Et videas filios filiorum tuorum: * pacem super
Israel.

Gloria Patri, &c. **S**icut erat &c.

Repetitur Antiphona postea dicitur:

K yrie eleison. **C**hriste eleison. **K** yrie eleison.

Sacerdos: **P**ater noster. *secreto.*

V. **E**t ne nos inducas in tentationem.

R. **S**ed libera nos à malo.

V. **B**enedicti, qui veniunt in nomine Dómini.

R. **B**enedicti vos á Dómino, qui fecit Cælum,
& terram.

V. **R**espice Dómine in servos tuos, & in opera
tua.

R. **E**t diriget eos in viam mandatorum tuorum.

V. **D**ómine exaudi orationem meam.

R. **E**t clamor meus ad te veniat.

V. **D**ominus vobiscum. **R.** **E**t cum spiritu tuo.

O rémus.

Largire, quæsumus Dómine, famulis tuis indulgentiam placatus, & pacem, ut pariter ab omnibus mundentur offensis, & secreta tibi mente deserviant.

Omnipotens sempiterne Deus, nostrorum temporum, vitæque dispositor, famulis tuis continuæ tranquillitatis largire subsidium, ut quos incolumes propriis laboribus reddisti, tuæ facias protectione securos.

Deus humilium visitator, qui nos fraternâ dilectione consolaris, prætende societati nostræ gratiam tuam, ut per eos, in quibus habitas, tuum nobis sentiamus adventum. Per Dóminum nostrum Jesum Christum Filium tuum, qui tecum vivit, & regnat in sæcula sæculorum.

R. Amen.

Aspergat aqua benedicta, & postea.

Pax, & benedictio **✠** Dei omnipotentis, Patris, & Filii, & Spiritus Sancti descendat super vos, & maneat semper. *R. Amen.*

Quod si unus fuerit peregrinaturus omnia dicuntur in singulari. Si Sacerdos fuerit socius peregrinationis dicat in prima persona numeri pluralis ea, quæ sibi congruere videbitur.

Bene-

Benedictio Candelarum extra diem
Purificationis Beatæ Mariæ Virginis.

V. **A**djutorum nostrum in nomine Dómini.

R. **Q**ui fecit Cœlum, & terram.

V. **D**óminus vobiscum. **R.** **E**t cum spiritu tuo.

Oremus.

Domine Jesu Christi Fili Dei vivi bene **+** dic
candelas istas supplicationibus nostris, in-
funde in eis Domine per virtutem Sanctæ
Crucis **+** benedictionem cœlestem, qui eas ad
repellendas tenebras humano generi tribuisti: ta-
lemque benedictionem signaculo Sanctæ Crucis
+ accipiant, ut quibuscunque locis accensæ, si-
ve positæ fuerint, discedant Principes tenebra-
rum, & contremiscant, & fugiant pavidi cum
omnibus ministris suis ab habitationibus illis, nec
præsumant amplius inquietare, aut molestare
servientes tibi omnipotenti Deo, qui vivis &
regnas. &c. **R.** **A**men. **Aspergat aqua bened.**

Benedictio Domus, seu loci
quocumque tempore.

Sacerdos cum stola comitatus ministro cum
aqua

aqua benedicta ingrediens domum dicat:

V. Pax huic domui.

R. Et omnibus habitantibus in ea.

Aspergit domum, & omnia loca præcipua dicens Antiphonam **A**spergesme. cum Psalmo **M**iserere mei Deusum **G**loria Patri. Tempore Paschali dicat Antiphonam **V**idi aquam, & repetitur Antiphona secundum tempus: postea

V. Dómine exaudi orationem meam.

R. Et clamor meus ad te veniat.

V. Dóminus vobiscum. **R.** Et cum spiritu tuo.

Orémus.

Exaudi nos Dómine Sancte Pater omnipotens, æterne Deus, & mittere digneris Sanctum Angelum tuum de Cœlis, qui custodiat, foveat, protegat, visitet, atque defendat omnes habitantes in hoc habitaculo. Per Christum Dominum nostrum. **R.** Amen.

Orémus.

Benedic Dómine Deus omnipotens domum istam, *vel* locum istum, ut sit in ea, *vel* in eo, sanitas, castitas, victoria, virtus, humilitas, bonitas, & mansuetudo, plenitudo

Tt

legis

legis, & gratiarum actio Deo Patri, & Filio, & Spiritui Sancto, & hæc benedictio maneat super hanc domum, *vel* hunc locum, & super habitantes in ea, *vel* in eo, nunc, & semper.

R. Amen.

*Benedictio terræ seminatæ,
seu plantatæ.*

V. Adjutorium nostrum in nomine Dómini.

R. Qui fecit Cælum, & terram.

V. Dómine exaudi orationem meam.

R. Et clamor meus ad te veniat.

V. Dóminus vobiscum. *R.* Et cum spiritu tuo.

Oremus.

Benedicat nos Deus noster, & terræ nostræ ubertatem concedat, in centuplum amplifiet fructus ejus, ut venientes in exultatione manipulos nostros colligamus. Per Christum, &c. *R.* Amen. *Aspergat aqua benedicta.*

Benedictio novorum fructuum.

V. Adjutorium nostrum in nomine Domini.

R. Qui fecit Cælum, & terram.

V. D o-

Benedictiones.

331

V. Dómine exaudi orationem meam.

R. Et clamor meus ad te veniat.

V. Dóminus vobiscum. **R.** Et cum spiritu tuo.

O rémus.

Benedic **+** Dómine hos novos fructus **N.** & & præsta, ut qui ex eis in tuo sancto nomine vescentur, corporis, & animæ salute potiuntur. Per Christum &c. **R.** Amen.

Aspergat aqua benedicta.

Benedictio super fruges, & vineas.

V. Adjutórium nostrum in nómine Dómini.

R. Qui fecit cœlum, & terram.

V. Dómine exaudi orationem meam.

R. Et clamor meus ad te veniat.

V. Dóminus vobiscum. **R.** Et cum spiritu tuo.

O rémus.

O Ramus pietatem tuam omnipotens Deus, ut has primitias creaturæ, quas aeris, & pluvix temperamento nutrire dignatus es, benedictionis tuæ imbri perfundas, & fructus terræ tuæ usque ad maturitatem perducas. Tribuas

Tt ij

quoque

Benedictiones.

quoque populo tuo, de tuis muneribus tibi semper gratias agere, ut á fertilitate terræ esurientium animas bonis affluentibus repleas, & ut egenus, & pauper laudent nomen gloriæ tuæ. Per Christum Dominum nostrum. **R.** Amen.

Aspergat aqua benedicta.

Benedictio agrorum, ut ab eis animalia noxia expellantur.

V. Adjutorium nostrum in nomine Dómini.

R. Qui fecit Cœlum, & terram.

V. Deus refugium nostrum, & virtus.

R. Adjutor in tribulationibus.

V. Nolite timere animalia regionis.

R. Quia germinaverunt speciosa deserti.

V. Reddam vobis annos, quos comedit locusta.

R. Bruchus, & rubigo, & Eruca.

V. Dómine exaudi orationem meam.

R. Et clamor meus ad te veniat.

V. Dóminus vobiscum. **R.** Et cum spiritu tuo.

O rémus.

P Reces nostras, quæsumus Dómine clementer exaudi, ut qui juste pro peccatis nostris affligimur, & hanc vermium, Erucarum, Murium, vel aliorum animalium calamitatem patimur,

mur, pro tui nominis ab ea misericorditer liberemur, ut per potentiam tuam expulsa nulli noceant, & hos agros, vineas, intacta dimittant: quatenus quæ ex eis orta fuerint tuæ maiestati deserviant, & nostræ necessitati subveniant. Per Christum Dominum nostrum. *R.* Amen.

O remus.

*O*mnipotens sempiternæ Deus bonorum omnium auctor, & conservator in cuius nomine omne genu flectitur cœlestium, terrestrium, & infernorum, concede, ut quod de tua miseratione confisi agimus, per tuam gratiam efficacem consequamur effectum; quatenus hos vermes, & animalia noxia segregando segreges, exterminando extermines, ut ab ista calamitate liberati, gratiarum actiones maiestati tuæ referamus. Per Christum, &c. *R.* Amen.

O rémus.

*D*eus, qui famulorum tuorum Moysis, & Aaronis ministerio ab Ægyptiis, pro gloria nominis tui locustas, bruchos, ciniphes, aliasque plagas (scilicet, iustitiæ tuæ in peccatores flagella) avertisti, à filiis quoque Israel prôhibuisti

buisti: à populo in te credente similes calamitates aufert, ut potentiam tuam, & beneficentiam prædicemus. Per Christum Dominum nostrum.

R. Amen.

O rémus.

L Argiri, & conservare fructus terræ dignare Domine Deus noster, ut temporalibus gaudeamus auxiliis, & proficiamus spiritualibus incrementis. Per Christum Dominum nostrum.

R. Amen.

O rémus.

O Ramus te, Domine Deus noster, ut hos agros **aut** vineas, serenis oculis, hilarique vultu respicere digneris, tuamque super eos bene **†** dictionem effunde, ut non grando surripiat, non turbo subvertat, non vis tempestatis detruncet, non æstus exurat, non animalia noxia corrodant, neque inundatio pluviae exterminet, sed fructus incolumes, uberesque usui nostro ad plenam maturitatem perducas. Per Christum Dóminum nostrum. **R.** Amen.

E Xorcizo vos vermes, **vel** Aves, **vel** Mures, **vel** Bruchos, **vel** Locustas, **vel** alia animalia per Deum **†** Patrem omnipotentem, per Jesum **†** Christum Filium ejus, & per Spiritum **†** San-

✠ Sanctum ab utroque procedentem, ut confestim recedatis ab his campis, nec amplius in eis habitetis, sed ad ea transeatis loca, in quibus non nocere possitis. Præcipio etiam vobis per obedientiam Jesu Christi Redemptoris nostri, ut de die in diem deficiatis, & corrumpamini, nulloque in loco de vobis reliquiæ inveniantur, nisi ad usum, vel salutem humani generis fuerint necessariae. Per eundem Dóminum nostrum, &c.

R. Amen.

Deinde aspergat agros, seu vineas in modum Crucis dicens :

Benedictio Dei omnipotentis Patris, ✠ & Filii, ✠ & Spiritus ✠ Sancti descendat, & maneat super hos agros, *vel* vineas, & eorum fructus. **R.** Amen.

Benedictio pro animalibus infirmantibus.

Sacerdos indutus superpelliceo, & stola violacea ter aspergat animalia dicens: **A** sperges me. Deinde dicit :

V. Adjutórium nostrum in nómine Dómini.

R. Qui fecit cælum, & terram.

V. Aperis tu manum tuam.

R. Et

R. Et imple omne animal benedictione.
V. Dño benedicite. **R.** Omnes bestia & pecora.
V. Potabunt omnes bestia agri.
R. Et expectabunt Onagri in siti sua.
V. Domine exaudi orationem meam.
R. Et clamor meus ad te veniat.
V. Dóminus vobiscum. **R.** Et cum spiritu tuo.

Oremus.

Misericordiam tuam Domine supplices exoramus, ut hæc animalia, quæ gravi infirmitate vexantur, tua bene **+** dictione sanentur; extinguatur in eis omnis diabólica potestas, neque ulterius ægrotent, esto eis vitæ defensio, & remedium sanitatis.

DEus, qui laborantibus hominibus, etiam de mutis animalibus solatia subrogasti, suppliciter te rogamus, ut sine quibus non alitur humana conditio, nostris facias usibus non perire.

DA nobis, quæsumus Domine, piæ petitionis effectum, animalium pestilentiam, mortalitatemque propitiatus averte, ut mortalium corda cognoscant à te dedignante talia flagella prodire, & te miserante cessare. Per Dominum nostrum Jesum Christum Filium tuum qui tecum &c. **R.** Amen. **B**ene-

Benedictiones.

337

Benedictio pro aquis infectis.

V. Adjutorium nostrum in nomine Domini.

R. Qui fecit coelum, & terram.

V. Domine exaudi orationem meam.

R. Et clamor meus ad te veniat.

V. Dominus vobiscum. **R.** Et cum spiritu tuo.

Oremus.

Domine Jesu Christe, qui Jordanis flumen benedixisti, & in eodem baptizatus, aquas purificasti, ut elementum salubre efficere-
tur in remissionem peccatorum, has aquas bene-
dicere, ✠ & sanctificare ✠ digneris, ut nihil in
eis noxium, nihil pestilens, nihil corrumpens ma-
neat, sed omnia pura, & munda in eis efficiantur;
ut quæ ad usum hominum ex eis creata sunt, cum
gloria tua, & salute nostra sumamus. Qui vivis, &
regnas cum Deo Patre in unitate. &c. **R.** Amen.

V. Dominus vobiscum. **R.** Et cum spiritu tuo.

V. Sequentia S. Evangelii secundum Matthæum.

R. Gloria tibi Domine.

In illo tempore: venit Jesus a Gallilæa in Jor-
danem ad Joannem, ut baptizaretur ab eo.

Joannes autem prohibebat eum dicens: Ego a
te debeo baptizari. Et tu venis ad me? Respondens

Vv

autem

autem Jesus dixit ei: Sine modò sic enim decet nos implere omnem iustitiam. Tunc dimisit eum. Baptizatus autem Jesus, confestim ascendit de aqua, & ecce aperti sunt ei Cæli: & vidit Spiritum Dei descendentem sicut columbam, & venientem super se, & ecce vox de Cælis dicens: Hic est filius meus dilectus in quo mihi bene complacui. **R.** Laus tibi Christe.

Deinde aspergat eas aqua benedicta dicens:

Benedictio omnipotentis Dei Patris, **+** & Filii, **+** & Spiritus **+** Sancti descendat super has aquas, & maneat semper. **R.** Amen.

Benedictio ad quodcumque comestibile.

V. Adjutorium nostrum in nomine Domini.

R. Qui fecit cælum, & terram.

V. Dominus vobiscum. **R.** Et cum spiritu tuo.

Oremus.

Bene **+** dic Domine creaturam istam **N.** ut fit remedium salutare generi humano, & præsta per invocationem sancti nominis tui, ut quicumque ex ea sumpserit, corporis sanitatem, & animæ tutelam percipiant. Per Christum Dominum &c. **R.** Amen. **Aspergat aqua benedicta.** **Bene-**

Benedictiones.

339

Benedictio Ovorum.

V. Adjutorium nostrum in nomine Domini.

R. Qui fecit cœlum, & terram.

V. Dominus vobiscum. **R.** Et cum spiritu tuo.

Oremus.

Subveniat, quæsumus Domine, tuæ bene **†** dictionis gratia huic ovorum creaturæ, ut cibus salubris fiat fidelibus tuis in tuarum gratiarum actione sumentibus ob resurrectionem Domini nostri Jesu Christi, qui tecum vivit, & regnat Deus per omnia sæcula sæculorum.

R. Amen.

Aspergat aqua benedicta.

Benedictio Panis.

V. Adjutorium nostrum in nomine Domini.

R. Qui fecit cœlum, & terram.

V. Dominus vobiscum. **R.** Et cum spiritu tuo.

Oremus.

Domine Jesu Christe, panis Angelorum, panis vivus vitæ æternæ bene **†** dicere dignare panem istum, sicut benedixisti quinque panes in deserto, ut omnes ex eo digne gu-

Vv ij

stantes

Benedictiones.

stantes, inde corporis, & animæ desiderabilem
percipiant sanitatem. Qui vivis, & regnas &c.

R. Amen.

Aspergat aqua benedicta.

Benedictio Olei simplicis.

V. Adjutorium nostrum in nomine Domini.

R. Qui fecit cœlum, & terram.

Exorcizo te creatura Olei, per Deum Pa-
trem **+** omnipotentem, qui fecit cœlum,
& terram, mare, & omnia, quæ in eis sunt,
omnis virtus adversarii, omnis exercitus diaboli,
& omnis incurfus, omne phantasma Satanæ era-
dicare, & effugare ab hac creatura Olei, ut fiat om-
nibus, qui eo usi sunt salus mentis, & corporis,
in nomine Dei Patris **+** omnipotentis, & Jesu
+ Christi Filii ejus Domini nostri, & Spiritus **+**
Sancti Paracliti, & in charitate ejusdem Domi-
ni nostri Jesu Christi, qui venturus est judicare
vivos, mortuos, & sæculum per ignem. **R.** Amen.

V. Dominus vobiscum. **R.** Et cum spiritu tuo.

Oremus.

Domine Deus omnipotens, cui adstat ex-
ercitus Angelorum cum tremore, quorum
servitium spirituale cognoscitur, dignare,
respicere, & bene **+** dicere, & sancti **+** ficare
hanc

hanc creaturam Olei, quam ex olivarum succo eduxisti, & ex eo infirmos inungi mandasti, quatenus sanitate præcepta, tibi Deo vivo, & vero gratias agerent: præsta, quæsumus, ut hi, qui hoc Oleo, quod in tuo nomine bene **+** dicimus, usi fuerint, ab omni languore, omnique infirmitate, atque cunctis insidiis inimici liberentur, & cunctæ adversitates separentur à plasmate tuo, quod pretioso Sanguine Filii tui redemisti: ut nunquam lædatur a morso serpentis antiqui. Per eundem Dóminum nostrum, &c. **R.** **A** men.

Aspergat aqua benedicta.

Benedictio Agni Paschalis.

V. **A** djutorium nostrum in nomine Domini.

R. **Q** ui fecit cælum, & terram.

V. **D** ominus vobiscum. **R.** **E** t cum spiritu tuo.

O rémus.

D eus, qui per famulum tuum Moysen in liberatione populi tui de Ægypto, Agnum occídi jussisti, in similitudinem Domini nostri Jesu Christi, & utrosque postes domórum de sanguine ejusdem Agni perúngi præcepisti: tu bene **+** dicere, & sancti **+** ficare digneris hanc

hanc creaturam carnis, quam nos famuli tui ad laudem tuam sumere desideramus, per Resurrectionem ejusdem Domini nostri Jesu Christi, qui tecum vivit, & regnat in sæcula sæculorum.

R. Amen.

Aspergat aqua benedicta.

Benedictio ad piscationis cymbas, retia, & omnia piscationi necessaria.

Omnes in cymba inclusi piscaturi genuflexi faciunt Confessionem, Actum Contritionis, & dicant Credo in Deum &c tunc dicit Sacerdos.

Per virtutem Sanctissimæ Cru⁺cis defendat vos Deus, homines, navim, & retia, ab omnibus malis præsentibus, & futuris.

R. Amen.

Ego exorcizo⁺ vos, & solvo ab omnibus maleficiis, incantationibus, ligaturis, signaturis, & facturis diaboli, & ministrorum ejus in nomine Patris, ⁺ & Filii, ⁺ & Spiritus ⁺ Sancti. **R.** Amen.

Aspergat omnia aqua benedicta, deinde dicit:
V. Dóminus vobiscum. **R.** Et cum spiritu tuo.

O ré-

O rēmus.

EXaudi nos Domine Sancte Pater Omnipotens æterne Deus, & mittere digneris Sanctum Angelum tuum de Cælis, qui custodiat, foveat, protegat, visitet, atque defendat homines istos, navim, remos, & retia, Per Christum Dominum nostrum. *R.* Amen.

V. Dóminus vobíscum. *R.* Et cum spírítu tuo.

Lectio sancti Evangelii secundum Lucam.

R. G loria tibi Domine.

IN illo tempore stabat Jesus secus stagnum Genasareth. Et vidit duas naves stantes secus stagnum: piscatores autem descenderant, & lavabant retia. Ascendens autem Jesus in unam navim, quæ erat Simonis, rogavit eum á terra reducere pusillum. Et sedens docebat de navicula turbas. Ut cessavit autem loqui, dixit ad Simonem: Duc in altum, & laxate retia vestra in capturam. Et respondens Simon, dixit illi: Præceptor, per totam noctem laborantes nihil cepimus, in verbo autem tuo laxabo rete: & cum hoc fecissent, concluderunt piscium multitudinem copiosam, rumpebatur autem rete eorum, & annuerunt sociis, qui erant in alia navi, ut venirent, & adjuvarent eos; & venerunt, & impleverunt
ambas

ambas naviculas, ita ut pené mergerentur.

R. Laus tibi, Christe

Per Evangelica dicta memoretur vestri Domini, & liberet vos á malo: det vobis abundantiam piscium, & reducat vos in pace. **R.** Amen.

V. Dominus vobiscum. **R.** Et cum spiritu tuo.

O remus.

Protector in te sperantium Deus, qui pisces, & creaturas omnes ad servitium hominis creasti; infunde bene **+** dictionem tuam caelestem super hos famulos tuos, & super navim, remos, & retia: & sicut Sanctis Apostolis tuis per totam noctem laborantibus solo præcepti tui verbo multitudinem piscium contulisti; ita facias Fidelibus tuis istis, donando eis tranquillitatem temporum, incolumitatem corporum, abundantiamque piscium, & pacis. Per te Christe Salvator, qui cum Patre, &c. **R.** Amen.

O remus.

Concede nos famulos tuos, quæsumus Domine Deus, perpetua mentis, & corporis sanitate gaudere, & gloriosa Beatæ Mariæ semper Virginis intercessione ab omni periculo libe-

liberari, ac tristitia, & æterna perfrui lætitia. Per Christum, &c. *R.* Amen.

O remus.

Bene *✠* dic Domine retia ista ad piscandum coaptata: bene *✠* dic navigium, & funes: bene *✠* dic remos, & universam sarcinam ad piscium captionem necessariam: & præsta, ut reptilia maris ad tuam sanctam bene *✠* dictionem veniant, & in usum hominum capiantur. Qui vivis, & regnas in sæcula sæculorum. *R.* Amen.

Aspergat aqua benedicta, deinde manu quatuor faciat Cruces in prora, puppi, & lateribus cymbæ deforis dicens:

Hæc est clavis *✠* David, quæ claudit, & nemo aperit: aperit, & nemo claudit: frænum vobis pono, dæmones, malufici, & maleficæ; ut ad istam naviculam, & retia accedere non possitis, nec ad laborantes cum eis malum aliquod inferre: nec fructus maris impedire: imò confringantur vires vestræ, & destruantur a potentissima manu Dei. Qui vivis, & regnas, in sæcula sæculorum. *R.* Amen.

Benedictiones.

Benedictio Navium.

V. Adjutorium nostrum in nomine Dómini.

R. Qui fecit Cœlum, & terram.

V. Dominus vobiscum. **R.** Et cum spiritu tuo.

Oramus.

Propitiare, Domine, supplicationibus nostris, & bene **†** dic navem istam dexterâ sancta tua, & omnes, qui in ea vehentur; sicut dignatus es benedicere Arcam Noe ambulantem in diluvio: porrige eis, Dñe dexteram tuam, sicut porrexisti Beato Petro ambulanti supra mare: & mitte Sanctum Angelum tuum de Cælis, qui liberet, & custodiat eam à periculis universis: & famulos tuos repulsis adversitatibus, portu semper optabili, cursuque tranquillo tuearis: transactisque, ac recte perfectis negotiis omnibus, iterato tempore ad propria cum omni gaudio revocare digneris. Qui vivis, &c. **R.** Amen.

Aspergat aqua benedicta.

De modo induendi puerum, vel puellam

**Habitu nostro, pro aliquo voto, vel
devotione.**

V. A dju-

Benedictiones.

347

V. Adjutorium nostrum in nomine Dómini.

R. Qui fecit Cœlum, & terram.

V. Dómine exaudi orationem meam.

R. Et clamor meus ad te veniat.

V. Dóminus vobiscum. **R.** Et cum spiritu tuo.

Oremus.

Domine Jesu Christe, qui nostra pro salute suscipiens humanam naturam de vestimento carnis induere dignatus es, benedictione sancta tua bene **†** dic ista parvula vestimenta quæ pro gratiis tibi exolvendis, cum omni devotione, sanctoque voto, ac veneratione beatissimæ Mariæ infans iste, *sive*, puella super se suscepturus, *sive*, susceptura est: infunde in eum, *sive* eam, quæsumus, tuam sanctam benedictionem: ut cum primum induerit hoc religioni simile vestimentum intercedente sancto. **N.** descendat super eum, *sive* super eam gratia tua: & protegat illum, *sive*, illam ab omni malo mentis, & corporis, qui vivis, & regnas, &c. **R.** Amen.

Deinde aspergat, & adoleat incenso vestimenta; exuens vero creaturam dicat:

Eripiat Dominus de corde tuo sæculi pompas, quibus abrenunciasti dum baptismum susciperes.

Benedictiones.

Psalmus.

Eripe me Domine ab homine malo : á viro iniquo eripe me.

Eripe me de inimicis meis Deus meus : & ab insurgentibus in me libera me.

Eripe me de operantibus iniquitatem : & de viris sanguinum salva me.

Gloria Patri &c. **S**icut erat &c.

Postea induat creaturam habitum Religionis : & antequam cingat dicat Antiphonam.

Immittat in te Dominus sanctum Religionis amorem : sanctoque fervore succendaris , & ardeas cœlestium bonorum desiderio.

Psalmus **L**audate pueri Dominum **cum Gloria Patri. Postea cingat creaturam dicendo Añam.**

Præcingat Dominus te zona justitiæ , ut immaculata conserves omnia mandata sua.

Psalmus **L**audate Dominum in sanctis ejus : laudate eum in firmamento virtutis ejus.

Deinde det ei candelam accensam , & dicat :

V. **D**ómine exaudi orationem meam.

R. **E**t clamor meus ad te veniat.

V. **D**óminus vobiscum. **R.** **E**t cum spiritu tuo.

O ré-

Oremus.

Domine Jesu Christe, lux vera, de vero lumine: quæsumus clementiam tuam: ut per intercessionem beatissimi. **N.** mentem parvuli hujus illumines: ut cum ad annos discretionis advenerit: sancto tibi animo, corporeque deserviat. Qui vivis, & regnas. &c. **R.** **A**men.

Postea benedicat creaturam offerendo eam juxta Altare, ac dicendo Antiphonam.

Confirma Deus in puero vel puella, quod in eo **five** in illa operari cæpisti: à templo sancto tuo deducat eum Spiritus tuus bonus in terram rectam: & benedictio tua sit super eum **vel** eam semper.

Deinde reddat parentibus illum, & conversus ad circumstantes dicat:

Bene **✠** dicat vos Divina Maiestas Pater, **✠** Filius, **✠** & Spiritus **✠** Sanctus. **R.** **A**men.

Ad exuendum puerum post annum,
quo portaverit habitum.

V. Adjutorium nostrum in nomine Domini.

R. Qui fecit cælum, & terram.

V. Domine exaudi orationem meam.

R. Et clamor meus ad te veniat.

R. Dominus vobiscum. **R.** Et cum spiritu tuo.

O re-

O rémus.

Domine sancte, pater omnipotens, æterne Deus, á quo descendit omne bonum, & omne donum, tibi gratias referimus: & expleta vota reddimus: suscipe vota nostra, cum actionibus gratiarum: & intercedente beata Maria Virgine: sanctoque **N.** huic infanti de cætero præsta salutem mentis, & corporis: ut te creatorem recta fide colat: in te redemptorem spem suam confirmet: teque summum bonum super omnia diligat: atque sanctis mandatis tuis semper obediat. Per Christum. &c. **R.** Amen.

Deinde illum habitum exuendo dicat Antiphonam.

Redдите vota vestra Deo cum actionibus suis.

P salmus **L**audate Dominum omnes gentes

Gloria Patri &c. **Deinde ponat habitum juxta Altare, & dicat:**

V. Domine exaudi orationem meam.

R. Et clamor meus ad te veniat.

V. Dominus vobiscum: **R.** Et cum spiritu tuo.

O rémus.

Suscipe, sancte Pater omnipotens, æterne Deus, vota precesque supplicum: & per intercessionem beatissimæ Virginis Mariæ sanctique **N.** præsta nobis ita beneficia cognoscere:

ut

ut in gratiarum semper actione maneamus.
Per Christum. &c. *R.* Amen.

Postea benedicat circumstantes dicens:

Bene *✠* dicat vos Divina maiestas Pater *✠* &
Filius *✠* & Spiritus *✠* Sanctus. *R.* Amen.

Benedictio, & Traditio Vexilli bellici.

Sacerdos indutus superpelliceo, aut alba, si fuerit immediate post Missam, stola & Pluviali albi coloris, tenentibus ministris manibus vexilla complicata genuflexis, incipiat Antiphonam Benedictus Dominus Deus meus: cum eodem Psalmo, qui est primus in Vesperis Sabbati, sive cum nota, sive sine illa Choro prosequente, repetitaque Antiphona dicat Sacerdos:

V. Adjutorium nostrum in nomine Domini.

R. Qui fecit Cœlum, & terram.

V. Dominus vobiscum. *R.* Et cum spiritu tuo.

*O*remus.

OMnipotens sempiterne Deus, qui cunctorum es triumphantium fortitudo, respice propitius ad preces humilitatis nostræ, ut hoc vexillum, quod bellico usui præparatum

ratum existit Cælesti ✠ benedictione sanctifica, ut contra adversarios, & rebelles nationes sit validum, tuoque munimine circumseptum, sitque inimicis Christiani populi terribile, ac intercedentibus Sanctis tuis solidamentum, & victoriæ certa fiducia. Tu es enim Deus, qui conteris bella, & Cælestis præsidii sperantibus in te præstas auxilium. Per Christum Dominum nostrum.

℞. Amen.

O rémus.

OMnipotens sempiterne Deus, Maiestatem tuam suppliciter exoramus, ut hoc præsens vexillum pro tui nominis gloria benedicere ✠ digneris: ipsumque te adjuvante, tuto, prospere, ac feliciter valeat quocumque perducere. Per Christum Dominum nostrum,

℞. Amen.

O remus.

DEus qui unigeniti Filii tui Domini nostri Jesu Christi pretioso Sanguine vivificæ Crucis vexillum sanctificare voluisti, benedic, ✠ & sanctifica ✠ hoc nostrum vexillum, quod in honorem ejusdem sanctæ Crucis deferimus: ut illo mediante, de hostibus obtineamus gloriosum triumphum, & ad portum salu-

tis

tis nos pervenire concedas. Per Christum Dominum nostrum. *R.* Amen.

*O*remus.

Concede quæsumus Omnipotens Deus, ut intercessio Sanctæ Dei Genitricis, & Virginis Mariæ, Santorumque omnium, ac Cælestium Virtutum, Angelorum, Prophetarum, Euangelistarum, Martyrum, Confessorum, atque Virginum, & omnium electorum tuorum nos ubique lætificet, & adjuvet: ut qui eorum merita recolimus, patrocinia sentiamus. Per Christum Dominum nostrum. *R.* Amen.

Benedictio Dei omnipotentis Patris, *✠* & Filij: *✠* & Spiritus Sancti *✠* descendat, & maneat super istud vexillum: & Angelus bonus Domini custodiat ipsum, & nos semper. *R.* Amen.

*A*spergat aqua benedicta, & genuflexo coram eo illo, cui vexillum tradendum est, consignet sedens ei ipsum vexillum jam hasta infixum dicens:

Accipe vexillum Cœlesti benedictione sanctificatum, sitque inimicis populi Christiani terribile, & det tibi Dominus gratiam, ut ad ipsius nomen, & honorem cum il-

lo hostium cuneos potenter penetres incolumis,
& securus.

**Benedictio domorum in Sabbato sancto
Paschæ.**

**Sacerdos stola alba indutus, cum ministro de-
ferente vas aquæ benedictæ visitat domos fide-
lium: in cuius ingressu dicat:**

V. Pax huic domui.

R. Et omnibus habitantibus in ea.

**Aspergit domum, & omnia loca præcipua di-
cens Antiphonam:**

Vidi aquam egredientem de templo à latere
dextro, alleluia: & omnes, ad quos pervenit
aqua ista salvi facti sunt, & dicunt alleluia, alle-
luia. **Psalmus** Confitemini Domino quoniam
bonus: quoniam in sæculum misericordia ejus.

Gloria Patri &c. **S**icut erat &c.

Repetitur Antiphona Vidi aquam, **postea**

V. Ostende nobis Dñe misericordiam tuam allel.

R. Et salutare tuum da nobis alleluia.

V. Dómine exaudi orationem meam.

R. Et clamor meus ad te veniat.

V. Dominus vobiscum.

R. Et cum spiritu tuo.

Oremus.

EXaudi nos Dómine Sancte Pater omnipotens, æterne Deus, & sicut domos Hebræorum in exitu de Ægypto, Agni sanguine linitas (quod Pascha nostrum, in quo immolatus est Christus, figurabat) ab Angelo percutiente custodisti; ita mittere digneris Sanctum Angelum tuum de Cœlis, qui custodiat, foveat, protegat, visitet, atque defendat omnes habitantes in hoc habitaculo. Per Christum Dominum nostrum. **R.** **A.** men.

Benedictio mulieris post partum

Postquam puerpera ad Ecclesiam venerit, pro incolumitate sua Deo gratias factura, dicatur, si fieri potest, Missa de Purificatione B. Mariæ Virginis, qua finita, genuflectit ante Altare, & Sacerdos dicit:

K yrie eleison. **C** hriste eleison. **K** yrie. eleison.

P ater noster.

secreto.

V. **E** t ne nos inducas in tentationem.

R. **S** ed libera nos à malo.

V. **S** alvam fac ancillam tuam Domine.

R. **D** eus meus sperantem in te.

V. **M** itte ei Dómine auxilium de sancto.

Benedictiones.

R. Et de Sion tuere eam.

V. Nihil proficiat inimicus in ea.

R. Et filius iniquitatis non apponat nocere ei.

V. Domine exaudi orationem meam.

R. Et clamor meus ad te veniat.

V. Dominus vobiscum. **R.** Et cum spiritu tuo.

Oremus.

OMnipotens sempiterne Deus, qui per beatae Virginis Mariae partum, fidelium parentium dolores in gaudium vertisti, respice propitius super hanc famulam tuam, ad templum sanctum tuum, pro gratiarum actione, laesam accedentem, & praesta, ut post hanc vitam ejusdem beatae Mariae meritis, & intercessione ad aeternae beatitudinis gaudia, cum prole sua pervenire mereatur. Per Christum, &c. **R.** Amen.

Deinde aspergat eam aqua benedicta dicens:

Pax & benedictio omnipotentis Dei Patris, † & Filii & Spiritus Sancti descendat super te & maneat semper. R. Amen.

Benedictio Thalami.

V. Adjutorium nostrum in nomine Domini.

R. Qui

Benedictiones.

357

R. Qui fecit cœlum, & terram.

V. Dominus vobiscum. **R.** Et cum spiritu tuo.

Oremus.

Bene **+** dic Dómine Thalamum hunc, ut omnes habitantes in eo in tua pace constant, & in tua voluntate permaneant, & fenescant, & multiplicentur in longitudine dierum, & ad regna Cœlorum perveniant. Per Christum Dominum, &c. **R.** Amen.

Aspergat aqua benedicta.

Benedictio Vinculorum B. Mariæ Virginis.

V. Adjutorium nostrum in nomine Domini.

R. Qui fecit cœlum, & terram.

V. Sit nomen Domini benedictum.

R. Ex hoc nunc, & usque in sæculum.

V. Dómine exaudi orationem meam.

R. Et clamor meus ad te veniat.

V. Dominus vobiscum. **R.** Et cum spiritu tuo.

Oremus.

OMnipotens sempiterne Deus, qui vincula peccatorum nostrorum dirumpis, ut libertate filiorum gaudere valeamus, & qui ad vincula salutis hominem advocas dicens: Injice pedem.

pedem tuum in compedes illius, & collum tuum
 in torques illius, & ne acedieris vinculis ejus: hoc
 vinculum, quod in signum perpetuæ servitutis
 ad honorem Beatæ Mariæ Virginis servus ejus,
 deferre intendit, bene **†** dicere, & sancti **†** fi-
 care digneris, & concede ei sic devote illud ge-
 rere, ut vivendi candore castitatis illustretur, ac
 moriendo à vinculis peccatorum absolutus inter-
 cessione ejusdem Sanctissimæ Matris Mariæ tecum
 & cum illa in regno gloriæ congaudere valeat si-
 ne fine. Qui vivis, & regnas in unitate Spiritus
 Sancti Deus per omnia sæcula sæculorum.

R. Amen. Aspergat aqua benedicta.

**Benedictio Agminum
 ad bella prodeuntium.**

Omnia dicuntur ut in Benedictione Peregrinorum ad loca sancta itinerantium, ut supra.

Aspergat aqua benedicta.

Benedictio ad totum Exercitum ordinatum.

Dicto A djutorium &c. ut mos est dicuntur preces, quæ post Litanias appositæ fuere supra in Processione tempore belli, servatis servandis.

Aspergat aqua benedicta.

Bene-

Benedictio pro Tentoriis Bellicis.

V. Adjutorium nostrum in nomine Domini.

R. Qui fecit Cœlum, & terram.

V. Dominus vobiscum. **R.** Et cum spiritu tuo.

Oremus.

TE Deum Patrem Omnipotentem suppliciter exoramus pro hoc Tentorio, & habitatoribus ejus, ac rebus: ut ipsum benedicere, ✠ & sanctificare, ✠ ac bonis omnibus ampliare digneris: Tribue eis Domine de rore Cœli abundantiam, & de pinguedine terræ vitæ substantiam, & desideria voti eorum ad effectum tuæ miserationis perducas. Ad introitum ergo nostrum bene ✠ dicere, & sancti ✠ ficare digneris hoc tentorium, sicut benedicere dignatus es domum Abraham, Isaac, & Jacob, & intra locum Tentorii istius Angeli tuæ lucis inhabitent, ipsumque, & milites habitatores ejus custodiant. Per Christum, &c. **R.** Amen.

Aspergat aqua benedicta.

Benedictio Ensis.

V. Adjutorium nostrum in nomine Domini.

R. Qui

Benedictiones.

R. Qui fecit cœlum, & terram.

V. Dóminus vobiscum. **R.** Et cum spiritu tuo.

O rémus.

Bene ✠ dicere digneris, quæsumus Dómine, ensem istum, & hunc famulum tuum, qui eum, te inspirante, suscipere desiderat, pietatis tuæ custodia munias, & illæsum custodias. Per Christum, &c. **R.** Amen.

Aspergat aqua benedicta ensem & tradat eum genuflexo illi, cui tradendus est dicens:

Accipe ensem in nomine Patris ✠, & Filii ✠ & Spiritus ✠ Sancti, ut utaris eo ad defensionem tuam, ac sanctæ Dei Ecclesiæ, & ad confusionem inimicorum Crucis Christi, ac fidei Christianæ, & quantum humana fragilitas permiserit, cum eo neminem lædas, quod ipse tibi præstare dignetur. Qui cum Patre, & Spiritu Sancto vivas, & regnas in sæcula sæculorum.

R. Amen.

Benedictio Armorum.

V. Adjutorium nostrum in nomine Domini.

R. Qui fecit cœlum, & terram.

V. D o-

Benedictiones.

361

V. D óminus vobiscum. **R.** E t cum spiritu tuo.

O rémus.

Benedictio Dei omnipotentis Pa **†** tris, & Fi **†** lii, & Spiritus **†** Sancti descendat super hæc arma, & super induentem ea, quibus ad tuendam justitiam induatur. Rogamus te, Domine Deus, ut illum protegas, & defendas. Qui vivis, & regnas Deus per omnia sæcula sæculorum. **R.** A men.

O remus.

Deus omnipotens, in cujus manu victoria plena consistit, quique etiam David ad expugnandum rebellem Goliam vires mirabiles tribuisti: clementiam tuam humili prece deposcimus, ut hæc arma almifica pietate bene **†** dicere digneris: & concede famulo tuo **N.** eadem gestare cupienti, ut ad munimen, ac defensionem sanctæ Matris Ecclesiæ, pupillorum, & viduarum contra invisibilium, & visibilium hostium impugnationem, ipsis libere, & victorioso utatur. Per Christum Dominum nostrum.

R. A men.

Aspergat aqua benedicta.

Zz

Bene-

Benedictiones siquæ amplius desiderentur, in Pontificali Romano eas quære, aut aliquam ex supradictis congruentem necessitati occurrenti accommoda; hîc enim omisimus, quæ nostræ jurisdictioni, & occasionibus incompetentes.

AD ELECTIONEM SUMMI PONTIFICIS.

Cum ab Ordinario loci nobis notificatæ fuerint preces fundendæ pro bona electione summi Pontificis, dicantur in Choro, vel in Ecclesia sequentes preces flexis genibus præcinentibus Cantoribus.

Psalms 66.

Deus misereatur nostri, & benedicat nobis: *
illuminet vultum suum super nos, & misereatur nostri.

Ut cognoscamus in terra viam tuam: * in omnibus gentibus salutare tuum.

Confiteantur tibi populi Deus: * confiteantur tibi populi omnes.

Lætentur, & exultent gentes: * quoniam iudicas populos in æquitate, & gentes in terra dirigis..

Confiteantur tibi populi Deus, confiteantur tibi populi omnes: * terra dedit fructum suum.

Bene-

Benedicat nos Deus, Deus noster, benedicat nos
Deus, : * & metuant eum omnes fines terræ.
Gloria Patri &c. **S**icut erat &c.

Kyrie eleison. **C**hriste eleison. **K**yrie eleison.
Pater noster: **totum secreto.**

V. **E**t ne nos inducas in tentationem.

R. **S**ed libera nos à malo.

V. **E**xaudi nos Deus salutaris noster.

R. **S**pes omnium finium terræ, & in mari longè.

V. **S**anctus Deus, Sanctus fortis, Sanctus im-
mortalis. **R.** **M**iserere nobis.

V. **N**on nobis Domine non nobis.

R. **S**ed nomini tuo da gloriam.

V. **D**omine exaudi orationem meam.

R. **E**t clamor meus ad te veniat.

V. **D**ominus vobiscum. **R.** **E**t cum spiritu tuo.

Oremus.

Supplici, Domine, humilitate exposcimus;
ut sacrosanctæ Romanæ Ecclesiæ concedat
Pontificem illum ^{plac.} immensa pietas, qui, &
pio in nos studio semper tibi placitus, & tuo po-
pulo pro salubri regimine sit assiduè ad gloriam
tui nominis reverendus.

Deus, qui corda fidelium Sancti Spiritus illustratione docuisti: da nobis in eodem Spiritu recta sapere, & de ejus semper consolatione gaudere.

Concede nos famulos tuos, quæsumus Domine Deus, perpetua mentis, & corporis sanitate gaudere: & gloriosa Beatæ Mariæ semper Virginis intercessione à præsentis liberari tristitia, & æterna perfrui lætitia. Per Christum Dominum nostrum. **R.** Amen.

Exaudiat Deus orationes, & preces nostras.

R. Amen.

GRATIARUM ACTIO

pro Electione Summi Pontificis.

Habita notitia de electione Summi Pontificis, congregatis Fratribus in Choro, vel in Ecclesia cantetur Te Deum laudamus. Quo finito dicat Sacerdos sequentes versus.

V. Benedicamus Patrem, & Filium cum Sancto Spiritu.

R. Laudemus, & superexaltemus eum in sæcula.

V. Elegit eum Dominus Sacerdotem sibi.

R. Ad sacrificandum ei hostiam laudis.

V. Ora

V. Ora pro eo Sancta Deigenitrix.

R. Ut dignus efficiatur promissionibus Christi.

V. Dominus vobiscum. **R.** Et cum spiritu tuo.

Oremus.

Deus, cujus misericordiae non est numerus, & bonitatis infinitus est thesaurus, piissimae maiestati tuae pro collatis donis gratias agimus, tuam semper clementiam exorantes: ut qui petentibus postulata concedis, eosdem non deserens, ad praemia futura disponas.

Deus omnium fidelium Pastor, & rector, famulum tuum **N.** quem Pastorem Ecclesiae tuae praesse voluisti, propitius respice: da ei, quaesumus, verbo, & exemplo, quibus praest, proficere, ut ad vitam una cum grege sibi credito perveniat sempiternam.

Concede famulum tuum **N.** quaesumus Domine Deus, perpetua mentis, & corporis sanitate gaudere, & gloriosa Beatae Mariae semper Virginis intercessione a praesenti liberari tristitia, & aeterna perfrui laetitia. Per Christum Dominum nostrum. **R.** Amen.

Postea discedant cum Psalmo Laudate Dominum omnes gentes. &c.

EXOR-

EXORCISMUS

AD OBSESSOS A' DÆMONIO.

Sacerdos exorcizaturus divina fretus potentia examinet caute, & non facile credat aliquem obsessum à Dæmone, nisi nota signa habeat. Indutus superpelliceo, stola violacea, in Ecclesia habens coram se obsessum ligatum aspergat aqua benedicta, & circumstantes; postea genuflexi dicantur Litanix ut fol. 173. usque ad preces exclusive, & in fine dicat Antiphonam:

Ne reminiscaris Dómine delicta nostra, vel parentum nostrorum, neque vindictam sumas de peccatis nostris. **P**ater noster.

V. Et ne nos inducas in tentationem.

R. Sed libera nos à malo.

Psalmus 53.

Deus in nomine tuo saluum me fac: * & in virtute tua iudica me.

Deus exaudi orationem meam: * auribus percipe verba oris mei.

Quoniam alieni insurrexerunt adversum me, & fortes quæsierunt animam meam: * & non proposuerunt Deum ante conspectum suum.

Ecce

Ecce enim Deus adjuvat me: * & Dominus susceptor est animæ meæ.

Averte mala inimicis meis: * & in veritate tua disperde illos.

Voluntarie sacrificabo tibi: * & confitebor nomini tuo Dómine, quoniam bonum est.

Quoniam ex omni tribulatione eripuisti me: * & super inimicos meos despexit oculus meus.

Gloria Patri, &c. **S**icut erat, &c.

V. **S**alvum fac servum tuum, **vel** salvam fac ancillam tuam.

R. **D**eus meus sperantem in te.

V. **E**sto ei Dómine turris fortitudinis.

R. **A**' facie inimici.

V. **N**ihil proficiat inimicus in eo, **vel** in ea.

R. **E**t filius iniquitatis non apponat nocere ei.

V. **M**itte ei Dómine auxilium de Sancto.

R. **E**t de Sion tuere eū **vel** eam.

V. **D**omine exaudi orationem meam.

R. **E**t clamor meus ad te veniat.

V. **D**ominus vobiscum. **R.** **E**t cum spiritu tuo.

Orémus.

Deus, cui proprium est miserere semper. & pascere, suscipe deprecationem nostram, & hunc famulum tuum, **vel** famulam tuam, quem, **vel** quam delictorum catena constringit

stringit, miseratio tuæ pietatis clementer absol-
vat.

Oratio.

Domine Sancte, Pater omnipotens, æter-
ne Deus, Pater Domini nostri Jesu Chri-
sti, qui illum refugum tyrannum, & apo-
statam gehennæ ignibus deputasti, quique uni-
genitum tuum in hunc mundum misisti, ut illum
rugientem contineret, velociter attende, accele-
ra, ut eripias hominem, ad imaginem, & simili-
tudinem tuam creatum á ruina, & dæmonio me-
ridiano. Da Domine terrorem tuum super be-
stiam, quæ exterminat vineam tuam. Da fidu-
ciam servis tuis contra nequissimum draconem
pugnare fortissime, & ne contemnat sperantes in
te, & ne dicat, sicut in Pharaone, qui jam dixit:
Deum non novi, nec Israel dimitto. Urgeat il-
lum dextera tua potens, discedere á famulo tuo.
N. (vel famula tua **N.**) ne diutius præsumat ca-
ptivum tenere, quem tu ad imaginem tuam facere
dignatus es, & in Fílio redemisti. Qui tecum
vivit, & regnat &c. **R.** Amen.

Deinde præcipiat Dæmoni in hunc modum.

Præcipio tibi quicumque es spiritus immun-
de, & omnibus sociis tuis, hunc Dei famu-
lum vel famulam obsidentibus, ut per mi-
steria Incarnationis, Passionis, Resurrectionis,
Ascensi-